

Von dem Katzen hirn.

Das Katzenhirn durch ein verborigne
Krafft/ vnnnd besondere eigenschafft/ heylet
innerhalb zweyen tagen die entzündung
des halß/ welche auß den gar hizigen / vnd
jimmer wehrenden fiebren ihren vrsprung
hat/ vnd bey vns die breune genandt wirdt/
so man außwendig allein den halß damit
bestreichet.

Von den heußlin der Ostregen.

So man dise zu pulfer stoffet eintweder
roch oder gebrant/ vnd frischen Butter dar
rundter mischet/ so stellen sie die gulden A
der/ welche lange zeit geflossen hat/ vnd so
mans in giffrige vnnnd gar feuchte schäden
legt/ trücknet es dieselbe wunderbarlicher
weiß.

Von dem Zaar.

Jch findt zweyerley haar/ welche inn der
Arzney sehr nutz seind/ nemblich des Mens
schen vnd des hasen. Dann menschen haar
c v gepuls

gepulvert/ vnnnd siben oder acht morgen inn
weisssem Wein eingenommen/ vertreibt die
Geelsucht/ welches schier vnglaublich ist.
Das hasen haar aber/ so mans auff ein wunden/
da das blüt nit bstehn will legt/ stellet
es dasselb als bald. Oder gib einem wasser-
süchtigen/ oder der das Gries hat/ darab
zu trincken/ Er geneuvt scheinbarlicher
weiß.

Von dem Glas.

Das Glas braucht der mensch auff mans
cherley weg/ aber der nutz so es inn der Artz-
ney hat/ vbertrifft das ander alles. Wir
finden inn den Büchern der Artzt/ das das
Glas sibenmal gebrant/ vnd sibenmal auß-
gelöscht inn stainbrech wasser/ nachmals
auff das reynest zu pulfer gestossen/ vnnnd
inn weisssem Wein/ denen so mit dem Nie-
ren stain behafft eingeben/ denselbigen
bricht. Es beweret auch einer auß
den Practicanten/ das er vil
Wasser-süchtigen mit disem
pulfer in mäch einge-
ben geholffen
hab.

Von